

10. oktober

UKA2018/213

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2018-imeersoq. (aatsitassanut ikummatissanullu inatsit) (Erngup nukinga pillugu Inatsisartut inatsisaata nutaap aamma kommunit aqunneqarnerat pillugu Inatsisartut inatsisaata nutaap malitsigisaannik sunniutaasunik allanngortitsinerit) Naalakkersuisut avatangiisinut aningaasaateqarfik pillugu inatsisartut inatsisissaattut siunnersuummik saqqummiussineranut qujavugut.

Mingutsitsisuniit mingutsitsinngitsunik Kalaallit nunatsinni atuinissaq Siumut nakkutigalugulu pingaartitarivaa.

Erngup nukinganik innaallagissiorsinnaaneq Siumumiit siuarsarneqartuarnissaa inerisaaqataaffiguassavarput. Nunarsuarmimi silaannatta mingutsinneqarnerata annikinnerpaamiinnissaanut sulissuteqartuarneq Siumumi peqataaffiguassavarput.

Siumup aatsitassatigut Kalaallit Nunatsinni ineriartortitsuarnissaq pingaartillugu oqaatigissuarput. Siunissamimi aatsitassatigut nunatta nammineq tunniussinnaasaanik suliffissuaqarsinnaanissaq ugartortuassallugu ilungersoqataassuugut, tamannalu inatsisitigut pisinnaasat qaangernagit aatsitassarsiorsinnaanissaq pingaartuummat erseqqissassavarput.

Siunissaq eqqarsaatigalugu aatitassarsiorniat suleqatiginissaannik nunatsinnut avatangiisitsinnullu pitsaasumik mingutsitsinngitsumik atortuuteqartuarnissaq pingaartitarigatsigu Siumumiit erseqqissassuarput.

Taamaammat naalakkersuisut inatsisissatut siunnersuutaat tamakkiisumik taperserlugu ataatsimiisitaliamut susassaartumut innersuukkusupparput. Ataatsimiititaliallu sulilluarnissaa kissaatigalugu.

Oqallilluarisilu

Mala Høy Kuko, Siumut